

კანონთა და განკარგულებათა კრებული

ამიერკავკასიის სოციალისტური ფედერატიული საბჭოთა რესპუბლიკის
მუშათა და გლეხთა მთავრობისა.

1926 წლის
ოქტომბრის 15

№ 10.
განყოფილება პირველი

ა/კ. ცენტ. აღმას. კომიტ.
საკანონმდებლო კომისი-
ასთან არსებული კანონ-
თა გამოქვეყნების განყოფი-
ლებების მიერ გამოცემ.

შ ი ნ ა ა რ ს ი :

- მუხ. 714. ბამბისა, აბრეშუმისა, აბრეშუმის პარკისა, მატყლისა, ხილისა, ბოსტნეულისა და თამბაქოს საბითუმო ოპერაციებისათვის მეტრული სისტემის შემოღების შესახებ.
- „ 715. სამრეწველო საწარმოთა შენობების აგების დროს წინასწარ გასაფრთხილებელი სასანიტარო-სატექნიკო ზედამხედველობის განხორციელების შესახებ.
- „ 716. სახელმწიფო სამონადირეო გამოსაღების განაკვეთის შეცვლის შესახებ.
- „ 717. ა/კსფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭოს დებულების მე-2 მუხლის ახალი რედაქციის შესახებ.
- „ 718. ამიერკავკასიის საავტომობილო სამრეწველო-სავაჭრო სააქციზო სახ-ს ავტომობილებით მგზავრთა გადაყვანისა და სამგზავრო ბარგის გადაზიდვისათვის ტარიფის დაწესების შესახებ.
- „ 719. დებულება ამიერკავკასიის საბინაო კოოპერაციის საბჭოს შესახებ.
- „ 720. საფეიქრო ნაკეთობის ცალობათი გაყიდვის დროს სათანადო ტრესტების პრეისკურანტებისათვის წანამატის დარიცხვის შესახებ.
- „ 721. ა/კ. ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ „მუშათა ფაკულტეტების უკანასკნელი კურსის მსმენელთათვის სამუშაო დღის შემცირების თაობაზე“ 1926 წ. იანვრის 18-ს თარიღით გამოცემული დადგენილების გავრცელების შესახებ მუშათა ფაკულტეტების იმ სტუდენტებზე, რომელნიც ყველა ამა თუ იმ დაწესებულებასა და საწარმოში მუშაობენ.

საპალდებულო დადგენილება № 5 ამიერკავკასიის საუწყებო-ფორისო მატრული კომისიისა.

1926 წ. აგვისტოს 12.

714. ბამბისა, აბრეშუმისა, აბრეშუმის პარკისა, მატყლისა, ხილისა, ბოსტნეულისა და თამბაქოს საბითუმო ოპერაციებისათვის მეტრული სისტემის შემოღების შესახებ.

ამიერკავკასიის სახალხო კომისართა საბჭოს 1925 წ. ოქტომბრის 29-ს თარიღისა და 53 №-რის დადგენილების მე-11 §-ის „გ“ პუნქტისა და ამიერკავკასიის სახალხო კომისართა საბჭოს 1926 წ. ივნისის 10-ს თარიღისა და მე-8 №-რის ოქმის მე-10 მუხ. თანახმად—ამიერკავკასიის საუწყებო-ათაშორისო მეტრული კომისია ადგენს:

1. შემოღებულ იქნეს 1926 წ. ნოემბრის 1-დან ა/კატსრ ტერიტორიაზე ყველა სახელმწიფო, კოოპერატიულ და კერძო საწარმოსა და ორგანიზაციაში წონის მეტრული სისტემა ბამბისა, აბრეშუმისა, აბრეშუმის პარკისა, მატყლისა, ხილისა, ბოსტნეულისა და თამბაქოს საბითუმო ოპერაციებისათვის.

2. ამა დადგენილების 1-ლ მუხ. აღნიშნული ყოველი საწარმო და ორგანიზაცია 1-ლი მუხლის შესასრულებლად მოვალეა შემოაღნიშნული ვადისათვის იქონიოს ყველა სასწორი, გირი და სხვა საწონი მეტრული სისტემისა შემმოწმებელი პალატის დალით.

3. საბითუმო ფასების გამოსახატავად დაწესებულია შემდეგი საანგარიშო მეტრული ერთეულები:

ა) ბამბისა, აბრეშუმისა, აბრეშუმის პარკისა, ბოსტნეულისა და თამბაქოსათვის 1 კილოგრამში;

ბ) მატყლისა და ხილისათვის მეტრული ცენტნერი (100 კგრ.) და 1 კილოგრამში.

4. გარიგების დადება ბამბასა, მატყლსა, აბრეშუმსა, აბრეშუმის პარკსა, ხილსა, ბოსტნეულსა და თამბაქოზე 1926 წ. ნოემბრის 1-დან უნდა მოხდეს მხოლოდ მეტრულ საწონით; ამასთანავე 1926 წ. ნოემბრის 1-დღე ამა მუხლში ჩამოთვლილ საგნებზე დადებული ყველა გარიგება გადატანილ უნდა იქნეს მეტრულ საწონზე, რაც იმ დაწესებულებას უნდა ეცნობოს, რომელმაც რეგისტრაცია გაუქმეთა და შეამოწმა ხელშეკრულება.

5. ყველა იმ სადგომში, სადაც სწარმოებს ბამბისა, მატყლისა, აბრეშუმისა, აბრეშუმის პარკისა, ხილისა, ბოსტნეულისა და თამბაქოს გაცემა ან მიღება მეტრული საწონით, თვალსაზრისით ადგილას გამოვიდულ უნდა იქნეს, არა უგვიანეს შემოაღნიშნული ვადისა, ოფიციალური ცხრილი რუსული საწონის მეტრულ საწონზე გადატანისა.

შენიშვნა. ოფიციალურ ცხრილად ითვლება ისეთი ცხრილი, რაც დამტკიცებულია ცენტრალური მეტრული კომისიისა, ამიერკავკასიის საუ-

წყებათაშორისო მეტრული კომისიისა ან საზომ-საწონთა მთავარი პალატის მიერ.

6. ამა დადგენილების განხორციელება დაეკისრება ა/კ. შინა-ვაჭრობის სახალხო კომისარიატს და ა/კ. საუწყებათაშორისო მეტრული კომისიის წარმომადგენელთ, რომელნიც ა/კფსრ-ში შემავალ რესპუბლიკების ეკონომიურ თათბირების განსაკუთრებულ რწმუნებულებად ითვლებიან; ხოლო მეთვალყურეობა სათანადო ორგანიზაციათა და საწარმოთა მიერ ამა დადგენილების შესრულებისათვის დაეკისრება აღმასრულებელი კომიტეტების საადმინისტრაციო განყოფილებათ.

7. ამა დადგენილების დარღვევა დაისჯება ა/კფსრ-ში შემავალი სათანადო რესპუბლიკის სისხლის სამართლის კოდექსის შესაფერი მუხლით.

ა/კფსრ შინა-ვაჭრობის სახალხო

კომისარი ა. ერქომაიშვილი.

ამიერკავკასიის საუწყებათაშორისო

მეტრული კომისიის თავმჯდომარე პროფ. ზავრიევი.

გამოქვეყნებულია „ზარია ვოსტოკა“-ს 1269 №-ში 1926 წ. სექტემბრის 5-ს.

დადგენილება № 35 აკსფსრ სახალხო კომისართა საბჭოსი

715. სამრეწველო საწარმოთა შენობების აგების დროს წინასწარი გასაფრთხილებელი სასანიტარო-სატეხნიკო ზედამხედველობის განხორციელების შესახებ.

შრომის კანონთა კოდექსის ა/კსრ (ფკ. კან. და განკ. კრ. 1923 წ. მე-7 №-რი, მუხ. 89) 138 მუხლის განსავითარებლად და ა/კ ფსრ საკავშირო საბჭოს მიერ „სამრეწველო ნაგებობათა მშენებლობისა და მათი დამხმარე დაწესებულებათა შენობების პროექტების დამტკიცების წესის შესახებ“ (ა/კ სსრფკ კან. და განკ. კრ. 1923 წ. მე-4 №-რი, მუხ. 43) 1922 წ. სექტემბრის 30-ს თარიღით გამოცემული დადგენილების გასაუქმებლად—ა/კფსრ სახალხო კომისართა საბჭო ადგენს:

1. ვიდრე გამოიკემოდეს დადგენილება მშენებლობის პროექტების დამტკიცების წესის შესახებ, სამრეწველო მშენებლობის ყველა პროექტის (სამრეწველო დაწესებულების შენობისა და აგრეთვე საწარმოს ტერიტორიაზე მდებარე ყველა მისი დამხმარე დაწესებულების მუშათა შენობის აგება, გადაკეთება და ხელახლად მოწყობა) საბოლოო დამტკიცება დაეკისროს ა/კფსრ-ში შემავალი რესპუბლიკების უმაღლეს სატეხნიკო-სააღმშენებლო ორგანოებს.

2. წინა მუხლში აღნიშნული პროექტების წინასწარი განხილვისათვის იმ მხრით, თუ რამდენად შეესაბამება ეს პროექტები შრომის გიგინისა და უშიშროების მოთხოვნებს, რესპუბლიკანურ უმაღლეს სატეხნიკო-სააღმშენებლო

ორგანოებთან მოეწყოს განსაკუთრებული კომისიები ხსენებული ორგანოების წარმომადგენელთა თავმჯდომარეობით.

3. განსაკუთრებული კომისიის შედგენილობაში შევლენ შემდეგ უწყებათა და ორგანიზაციათა წარმომადგენელი: 1) რესპუბლიკანურ შრომის სახალხო კომისარიატის სატეხნიკო და სასანიტარო ზედამხედველობისა—ერთი, 2) რესპუბლიკანური ჯანმრთელობის სახალხო კომისარიატისა—ერთი, 3) დედა-ქალაქის აღმასრულებელი კომიტეტისა—ერთი და 4) იმ პროფესიონალური კავშირისა, რომელიც აერთიანებს უწყებელი საწარმოს მუშათ—ერთი წარმომადგენელი.

4. აღმინისტრაცია, მეპატრონე ან მათი მონაცვლე პირი მოვალეა პროექტი—სათანადო დანართებით,—სამრეწველო ხასიათის ახალი შენობის აგებისათვის, ამ შენობის დამხმარე ნაგებობის (აბანო, სასაბუღალტრო, საცხოვრებელი სადგომი და სხვ.) აგებისათვის, სამრეწველო საწარმოს კაპიტალური რემონტისათვის, ხელახლად მოწყობისათვის და სხვა შენობაში გადატანისათვის ნებართვის მისაღებად,—წარადგინოს რესპუბლიკის უმაღლეს სატეხნიკო-სააღმშენებლო ორგანოში.

5. წესი ტრანსპორტისათვის სამრეწველო მშენებლობის პროექტების შესათანხმებლად დადგენილ უნდა იქნეს თანახმად სსრკ შრომის სახალხო კომისარიატისა და გზათა სახალხო კომისარიატის 1924 წ. აპრილის 11-ს თარიღისა და 170/370 №-რის დადგენილებისა „შრომის ინსპექციის მიერ გზებზე განსახორციელებელი წინასწარი ზედამხედველობის შესახებ“, რომელი დადგენილებაც ამიერკავკასიის ფედერაციაში შემოღებულია ა/კ. შრომის სახალხო კომისარიატის 1924 წ. ივლისის 26-ს თარიღისა და 112 №-რის დადგენილებით, ხოლო სამხედრო მრეწველობის მშენებლობისათვის—თანახმად სსრკ შრომის სახალხო კომისარიატის შრომის დაცვის განყოფილების 1924 წ. სექტემბრის 26-ს თარიღისა და 408/463 №-რის ცირკულიარისა, რაც ამიერკავკასიის ფედერაციაში შემოღებულია ა/კ. შრომის სახალხო კომისარიატის 1925 წ. იანვრის 6-ს თარიღისა და 155 №-რის ცირკულიარით „სამხედრო მრეწველობის მთავარ სამმართველოს საწარმოში წინასწარი ზედამხედველობის განხორციელების განსაკუთრებული წესის შესახებ“.

6. სამიერკავკასიო მნიშვნელობის სამრეწველო მშენებლობის პროექტებს რესპუბლიკანური უმაღლესი სატეხნიკო-სააღმშენებლო ორგანო დაამტკიცებს ა/კ. შრომის სახალხო კომისარიატთან შეთანხმებით შრომის დაცვის სფეროში; ამასთანავე ა/კ. შრომის სახალხო კომისარიატის შენიშვნები აღნიშნულ საკითხების შესახებ სავალდებულოა რესპუბლიკანური უმაღლესი სატეხნიკო-სააღმშენებლო ორგანოსათვის.

7. როგორც ახლად აგებული, ისე კაპიტალურად გადაკეთებული სამრეწველო საწარმოს და მისი დამხმარე ნაგებობის სრული ან ნაწილობრივი ექსპლოატაცია შეიძლება მხოლოდ მას შემდეგ, როდესაც ამა დადგენილების მე-2 მუხ. აღნიშნული განსაკუთრებული კომისიის მიერ შედგენილ იქნება სათანადო აქტი იმის შესახებ, რომ საწარმო თუ ნაგებობა სრულიად შეესაბამება რესპუბლიკანური უმაღლესი სატეხნიკო-სააღმშენებლო ორგანოს მიერ დამტკიცებულ პროექტს.



8. ამა დადგენილების შეფარდების წესი განსაზღვრულ იქნება განსაკუთრებული ინსტრუქციით, რასაც შეიმუშავებს ა/კ. შრომის სახალხო კომისარიატი და დაამტკიცებს ა/კ. უმაღლესი ეკონომიური საბჭო.

9. ამა დადგენილების გამოცემისთანავე გაუქმებულია მოქმედება ამიერკავკასიის სსრ საკავშირო საბჭოს 1922 წ. სექტემბრის 30-ს თარიღისა და 36 №-რის დადგენილებისა „სამრეწველო ნაგებობათა და მათი დამხმარე დაწესებულებების მშენებლობის პროექტების დამტკიცების წესის შესახებ“ და სხვა იმ დადგენილებისა, რაც ამავე საგანზე გამოცემულია ა/კსფსრ-ში შემავალ რესპუბლიკებში.

10. ამა დადგენილებისა და აგრეთვე მის განსავითარებლად გამოცემული ინსტრუქციის დარღვევისათვის როგორც სახელმწიფო და საზოგადოებრივი საწარმოს ადმინისტრაცია, ისე კერძო საწარმოს მენეჯრონე პასუხისგებაში უნდა იქნეს მიცემული სისხლის სამართლის წესით შრომის ინსპექტორის მიერ.

ა/კსფსრ სახალხო კომისართა

საბჭოს თავმჯდომარის მოადგილე **ლუკაშინი.**

ა/კსფსრ სახალხო კომისართა საბჭოს

საქმეთა მმართველი **ნ. სოკოლოვსკი.**

1926 წლის აგვისტოს 26. ტფილისი—სასახლე.

გამოქვეყნებულია „ზარია ვოსტოკა“-ს 1271 №-ში 1926 წლის სექტემბრის 8-ს.

დადგენილება ამიერკავკასიის სენატრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ—სახელმწიფო სამონადირეო გამოსაღების რაოდენობის დაწესების შესახებ—1926 წ. მარტის 30-ს თარიღით გამოცემული (ა/კსფსრ კან. კრ. 1926 წ. მე-4 №-რი, მუხ. 620) დადგენილების მე-2 მუხ. შესაცვლელად ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

716. სახელმწიფო სამონადირეო გამოსაღების განაკვეთის შეცვლის შესახებ.

ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ—სახელმწიფო სამონადირეო გამოსაღების რაოდენობის დაწესების შესახებ—1926 წ. მარტის 30-ს თარიღით გამოცემული (ა/კსფსრ კან. კრ. 1926 წ. მე-4 №-რი, მუხ. 620) დადგენილების მე-2 მუხ. შესაცვლელად ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

აღნიშნული დადგენილების მე-2 მუხლი მიღებულ იქნეს შემდეგი რედაქციით:

„მუხ. 2. სახელმწიფო სამონადირეო გამოსაღების განაკვეთი დაწესდეს ერთი მანეთის რაოდენობით წელიწადში“.

ამიერკავკასიის ცენტრალური

აღმასრულებელი კომიტეტის თავმჯდომარე ს. ხანოიანი.

ა/კფსრ სახალხო კომისართა საბჭოს

თავმჯდომარის მოადგილე ს. ლუკაშინი.

ამიერკავკასიის ცენტრალური

აღმასრულებელი კომიტეტის მდივნის მაგიერ გ. ყურულაოვი.

1926 წ. სექტემბრის 13. ტფილისი-სასახლე.

გამოქვეყნებულია „ზარია ვოსტოკა“-ს 1278 №-ში 1926 სექტემბრის 16-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოსი.

717. ა/კფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭოს დებულების მე-2 მუხლის ახალი რედაქციის შესახებ.

ამიერკავკასიის ცენტრალური აღმასრულებელი კომიტეტი და ა/კფსრ სახალხო კომისარიატის საბჭო ადგენენ:

ა/კფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭოს დებულების მე-2 მუხლი (ა/კფსრ კან. კრ. 1926 წ. 1-ლი №-რი, მუხ. 579) მიღებულ იქნეს შემდეგი რედაქციით:

ა/კფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭო მოეწყობა შემდეგი შედგენილობით:

ერთი წარმომადგენელი ამიერკავკასიის შრომის სახალხო კომისარიატისა, ერთი წარმომადგენელი ამიერკავკასიის ფინანსთა სახალხო კომისარიატისა, თითო წარმომადგენელი აზერბაიჯანისა, სომხეთისა და საქართველოს სახალხო მეურნეობის უმაღლესი საბჭოებისა, ერთი წარმომადგენელი ამიერკავკასიის რკინის გზების სამმართველოსი, ორი წარმომადგენელი ამიერკავკასიის პროფესიონალურ კავშირთა საბჭოსი, თითო წარმომადგენელი აზერბაიჯანისა, სომხეთისა და საქართველოს პროფესიონალურ კავშირთა საბჭოებისა, ერთი წარმომადგენელი ამიერკავკასიის რკინის გზების პროფესიონალურ კავშირთა საბჭოსი და ერთი-ც საერთო წარმომადგენელი აზერბაიჯანისა, სომხეთისა და საქართველოს ჯანმრთელობის სახალხო კომისარიატებისა.

შენიშვნა 1. წესი და მორიგეობა თვითეული რესპუბლიკანური ჯანმრთელობის სახალხო კომისარიატის წარმომადგენლის მონაწილეობისა საბჭოში საერთო წარმომადგენლის სახით განისაზღვრება თვით რესპუბლიკანური ჯანმრთელობის სახალხო კომისარიატების შეთანხმებით



შენიშვნა 2. იმ ხნის განმავლობაში, რაც სამი რესპუბლიკის ჯან-მრთელობის სახალხო კომისარიატების ერთ-ერთი წარმომადგენელი ეწე-ვა საერთო წარმომადგენლობას, ორი დანარჩენი წარმომადგენელი საბ-კოში მონაწილეობას სათათბირო ხმის უფლებით მიიღებს.

ამიერკავკასიის ცენტრალური

ალმასრულებელი კომიტეტის თავმჯდომარე **ს. ხანოიანი.**

ა/კსფსრ სახალხო კომისართა საბჭოს

თავმჯდომარის მოადგილე **ს. ლუკაშინი.**

ამიერკავკასიის ცენტრალური

ალმასრულებელი კომიტეტის მდივნის მაგიერ **გ. ყურულოვი.**

1926 წლის სექტემბრის 13. ტფილისი-სასახლე.

გამოქვეყნებულია „ზარია ვოსტოკა“-ს 1278 №-ში 1926 წლის სექტემ-ბრის 16-ს.

დადგენილება ა.კ. რკინის გზების გაგზავრისათვის არ-საგული სასოფლო-სამეურნეო საბარკოვო მათგირისა.

1926 წ. ივლისის 2.

718. ავტომობილებით მგზავრთა გადაყვანისა და სამგზავრო ბარ-გის გადაზიდვისათვის ტარიფის დაწესების შესახებ იმ რეი-სებზე, რომლის ექსპლოატაციასაც ა/კსფსრ ტერიტორიაზე ამიერკავკასიის საავტომობილო სავაჭრო-სამრეწველო სააქ-ციო საზოგადოება ეწევა-

დამტკიცებულია ამიერკავკასიის სახალხო კომისართა საბჭოს მიერ 1926 წ, ივლისის 15-ს პლენარულ სხდომაზე.

(ოქმი № 11, პარ. 1).

ავტომობილებით მგზავრთა გადაყვანისათვის იმ რეისებზე, რომლის ექს-პლოატაციასაც ა/კსფსრ ტერიტორიაზე ა/კ. საავტომობილო სავაჭრო-სამრეწვე-ლო სააქციო საზოგადოება ეწევა, დაწესდება შემდეგი ტარიფი:

1. ტფილის—ვლადიკავკაზი ან წინაუკმოდ	17 მ.	კ.
2. " კოჯორი	2 მ. და 50 კ.	
3. " მანგლისი (მანგლისისაკენ)	8 მ. —	კ.
4. " " (უკუშკევით)	7 მ. —	კ.
5. " ბელიკლიურ (ბელიკლიურისაკენ)	8 მ. —	კ.
6. " " (უკუშკევით)	7 მ. —	კ.
7. ბათუმი—ზელიონი მის ან წინაუკმოდ	—	75 კ.
8. " ხულო "	8 მ. —	კ.


9. ბორჯომი—ახალციხე	„	5 მ.	—	ქ.
10. „ ახალქალაქი	„	11 მ.	—	ქ.
11. „ აბასთუმანი—არაზინდო ან წინაუკმოდ	„	8 მ.	—	ქ.
12. ლაგოდეხი—ზაქათალა ან წინაუკმოდ	„	4 მ.	—	ქ.
13. „ წნორის წყალი	„	4 მ.	—	ქ.
14. სუხუმ—გაგრა	„	10 მ.	—	ქ.
15. „ გუდაუთი	„	4 მ.	—	ქ.
16. „ ათონი	„	2 მ.	—	ქ.
17. „ წებელდა	„	2 მ.	და 50	ქ.
18. „ ოჩემჩირი	„	5 მ.	—	ქ.
19. ახალსენაკი—ზუგდიდი	„	3 მ.	—	ქ.
20. ქუთაისი—ბაღდადი	„	2 მ.	—	ქ.
21. ქუთაისი—ონი	„	12 მ.	—	ქ.
22. ხაჩმაზი—ყუბა	„	2 მ.	და 75	ქ.
23. ხაჩმაზი—ყუბა—კუსაური	„	4 მ.	—	ქ.
24. ევლახი—აგდამი	„	6 მ.	და 50	ქ.
25. „ ნუხა	„	7 მ.	და 50	ქ.
26. „ შუშა	„	10 მ.	და 50	ქ.
27. „ ბარდა	„	2 მ.	—	ქ.
28. ლიაკი—აღღამ	„	1 მ.	და 30	ქ.
29. ერევანი—ერმიძინი	„	1 მ.	და 20	ქ.
30. ერმიძინი—აშტარაკი	„	1 მ.	და 20	ქ.
31. ერევანი—ყამარლუ	„	2 მ.	და 50	ქ.
32. „ დელიჯანი	„	8 მ.	და 50	ქ.
33. „ დარაჩიჩაღ	„	5 მ.	—	ქ.
34. ყარაკლისი—დელიჯანი	„	4 მ.	—	ქ.
35. ყალაგერანი—სტფანავეანი	„	3 მ.	—	ქ.
36. დელიჯანი—აღსტაფა	„	7 მ.	და 50	ქ.

პროფესიონალურ კავშირთა იმ ავადმყოფ წევრთა გადაყვანისათვის, რომელთაც სოციალური დაზღვევის მთავარი სამმართველოს საგზაო მოწმობა ექნებათ, დაწესებულია შემდეგი ტარიფი:

1. ბორჯომი—აბასთუმანი ან წინაუკმოდ	6 მ. და 50 ქ.
2. ბორჯომი—არაზინდო	7 მ. და 50 ქ.
3. ერევანი—დელიჯანი	7 მ. — ქ.

თითო ფუთი ბარგისათვის იმ ნორმის ზედმეტად, რაც 12 გირვანქის რაოდენობით თითო ბილეთზე უფასოდ გადაიზიდება, გადახდევინებულ იქნება საგზაგრო ბილეთის ფასის ერთი მეხუთედი ($\frac{1}{5}$) სასყიდელი.

ტარიფი ესე სავალდებულოა ყველასათვის და მისი შეცვლა მთლად ან ნაწილობრივ შეუძლებელია მარტოოდენ საუწყებთათმორისო სატარიფო თათბირის





განსაკუთრებული დადგენილებით თვითეულ ცალკე შემთხვევაში, რაც გამოცხადებულ უნდა იქნეს სათანადო წესისამებრ.

ტარიფი ესე დაწესებულია ვადით 1927 წ. აპრილის 1-დე.

ა/კ. რკ. ვზ. ვამგეობასთან არსებული საუწყებათაშორისო

სატარიფო თათბირის თავმჯდომარის მაგიერ **მამედბეკოვი.**

სატარიფო თათბირის საქმეთა მმართველი **გ. შახბუღალოვი.**

ეკონომისტი **ვერდერევსკი.**

გამოქვეყნებულია „ზარია ვოსტოკა“-ს 1282 №-ში 1926 წ. სექტემბრის 22-ს.

დადგენილება № 36 აკსფსრ სახალხო კომისართა საბჭოსი.

719. „ამიერკავკასიის საბინაო კოოპერაციის საბჭოს დებულების“ დამტკიცების შესახებ.

ა/კფსრ სახალხო კომისართა საბჭო ადგენს:

დამტკიცებულ და სამოქმედოდ შემოღებულ იქნეს შემდეგი დებულება ამიერკავკასიის საბინაო კოოპერაციის საბჭოს შესახებ.

ა/კფსრ სახალხო კომისართა საბჭოს

თავმჯდომარის მოადგილე **ს. ლუკაშინი.**

ა/კფსრ სახალხო კომისართა საბჭოს

საქმეთა მმართველის მოადგილე **ნ. სოკოლსკი.**

1926 წლის სექტემბრის 2. ტფილისი-სასახლე.

დაბულება ამიერკავკასიის საბინაო კოოპერაციის საბჭოს შესახებ.

საბინაო-საკოოპერაციო აღმშენებლობის საქმის ამიერკავკასიის რესპუბლიკების სახალხო მეურნეობის განვითარების საერთო გეგმასთან შეთანხმებისა და შეკავშირებისათვის, აგრეთვე იმ ღონისძიებათა შემუშავებისა და განხორციელებისათვის, რაც მიმართულ იქნება ა/კფსრ-ში საბინაო კოოპერაციის განსავითარებლად და განსამტკიცებლად, სახელმწიფო ხელისუფლების წინაშე მისი ინტერესების წარმომადგენლობისათვის, რესპუბლიკანური საბინაო კოოპერაციის კავშირების მოქმედების გაერთიანებისა და შეთანხმებისათვის და მთლად ამიერკავკასიის საბინაო კოოპერაციის სისტემის სფეროში წარმოებული მუშაობისა და გამოცდილების შესწავლისა და განზოგადებისათვის, არსდება ამიერკავკასიის საბინაო კოოპერაციის საბჭო.

2. საბჭოს აქვს იურიდიული პირის ყველა უფლება, აგრეთვე თავისი ბეჭედი. საბჭო განთავისუფლებულია სახელმწიფო და ადგილობრივი გადასახადისა და გამოსაღებისაგან.

3. საბჭოს უფლება აქვს წარადგინოს ყველა სახელმწიფო ორგანოში, მათ შორის ა/კფსრ უმაღლეს სახელმწიფო დაწესებულებებშიც, შუამდგომლობა და მოხსენება.

4. ამა დებულების 1-ლ მუხლში აღნიშნული მიზნის მისაღწევად საბჭო:

ა) განიხილავს საბინაო კოოპერაციის საორგანიზაციო მშენებლობისა და სამეურნო მოქმედების ყველა საკითხს, მოითხოვს და მოისმენს რესპუბლიკანურ კავშირების მოხსენებებს საბინაო კოოპერაციის მდგომარეობის შესახებ და გამოიტანს თავის გადაწყვეტილებას ამ მოხსენებების გამო;

ბ) წარმომადგენლობას გაუწევს და დაიცავს საბინაო კოოპერაციის ინტერესებს ყველა საკანონმდებლო, საადმინისტრაციო, საფინანსო და სამრეწველო სახელმწიფო ორგანოსა და საზოგადოებრივი ორგანიზაციის წინაშე იმ საკითხების სფეროში, რაც ა/კფსრ საბინაო კოოპერაციის შეეხება მთლად, აგრეთვე ცალკე რესპუბლიკების საბინაო კოოპერაციის საკითხების სფეროში, სათანადო რესპუბლიკის საბინაო კოოპერაციის კავშირის სპეციალური დავალებით;

გ) დაეხმარება სახელმწიფო ხელისუფლებას საბინაო კოოპერაციის შესახები ღონისძიებების შემუშავებაში;

დ) შეაგროვებს, შეიმუშავებს და გამოაქვეყნებს ცნობებს საბინაო კოოპერაციის შესახებ;

ე) ხელშეუწყობს რესპუბლიკანურ საბინაო კოოპერაციის კავშირებ შორის შეძენილი გამოცდილების ერთმანეთში გაცვლა-გამოცვლას და საბინაო კოოპერაციის სისტემის წესიერად და ორგანიზაციულად წარმართავს;

ვ) იქონიებს სამზადისს და მოიწვევს ყრილობებსა და თათბირებს საბინაო კოოპერაციის საკითხებისათვის;

ზ) ხელშეუწყობს რესპუბლიკანურ საბინაო კოოპერაციის კავშირებისა და აგრეთვე საბინაო-საკოოპერაციო ორგანიზაციებისა და სახელმწიფო დაწესებულებებისა და საწარმოთა მუშაობაში სათანადო ურთიერთობისა და თანხმობის დამყარებას;

თ) გამოჰყოფს თავის მუდმივ წარმომადგენლებს ა/კ. კოოპერატიულ საბჭოში, ამიერკავკასიის მუშათა ბინების კოოპერატიული მშენებლობის დამხმარე კომიტეტში და სრულიად საკავშირო საბინაო კოოპერაციის საბჭოში;

5. საბჭოს შეადგენენ წარმომადგენელი: ა/კფსრ-ში შემავალი რესპუბლიკების საბინაო კოოპერაციისა— ორი აზერბაიჯანის სსრ, ორი სომხეთის სსრ და ორიც საქართველოს სსრ, ერთი ამიერკავკასიის მუშათა ბინების კოოპერატიული მშენებლობის დამხმარე კომიტეტისა და ერთიც ამიერკავკასიის კოოპერატიული საბჭოსი.

6. ამიერკავკასიის საბინაო კოოპერაციის საბჭოს წევრნი ა/კფსრ-ში შემავალი რესპუბლიკებისაგან აირჩევიან ერთი წლის ვადით საბინაო-საკოოპერაციო ორგანიზაციების რწმუნებულთა რესპუბლიკანურ კრებებზე.

უკეთეს შეუძლებელი იქნება რწმუნებულთა კრების მოწვევა, წარმომადგენელი წარიგზავნებიან საბჭოს მორიგ სხდომებზე საბინაო კოოპერაციის რესპუბლიკანური კავშირების გამგეობის ან საბჭოების მიერ. საბჭოს წევრი ა/კ. პროფ. კავშირთა საბჭოსაგან, ა/კ. დამხმარე კომიტეტისაგან და ა/კ. კოოპერატიულ საბჭოსაგან დაინიშნებიან პერსონალურად იმავე ვადით ამ დაწესებულებების მიერ.

7. საბჭოს ხარჯები გაწეულ იქნება საბინაო კოოპერაციის რესპუბლიკანური კავშირების მიერ შეტანილი განსაკუთრებული ყოველთვიური გადასახადებიდან. შესატანი გადასახადის რაოდენობას და შეტანის ვადას განსაზღვრავს საბჭო.

8. საბჭოს გადაწყვეტილება სავალდებულოა ა/კსდრ-ში შემავალი რესპუბლიკების საბინაო-საკოოპერაციო ორგანიზაციებისათვის.

9. საბჭოს სხდომები არის მორიგი და საგანგებო.

10. მორიგი სხდომა მოხდება წელიწადში სამჯერ მაინც თვით საბჭოს მიერ განსაზღვრულ ვადაზე. საბჭოს საგანგებო სხდომა მოიწვევა საბჭოს წევრთა $\frac{1}{3}$ მოთხოვნით ან საბინაო კოოპერაციის ორდ რესპუბლიკანური კავშირის მოთხოვნით.

11. ყოველი საქმე საბჭოში გადასწყდება ხმის მარტივი უმეტესობით.

12. საბჭო თავისი უფლებამოსილობის ვადის განმავლობაში აირჩევს პრეზიდიუმს 3-ს წევრის შედგენილობით. პრეზიდიუმის სხდომა მოიწვევა საჭიროებისადა მიხედვით, ხოლო 2 თვეში ერთხელ მაინც.

13. საბჭოს დადგენილებათა და მინდობილობათა აღსრულება, აგრეთვე მიმდინარე მუშაობა დაეკისრება პრეზიდიუმს. კერძოდ, პრეზიდიუმს დაეკისრება:

ა) საბჭოს სხდომის მოწვევა;

ბ) საკითხების შემუშავება და საბჭოში წარსადგენად მოხსენების შედგენა;

გ) საბჭოს დადგენილებათა განხორციელება;

დ) წარმომადგენლობა სახელმწიფო და საზოგადოებრივი დაწესებულებებისა და ორგანიზაციების წინაშე;

ე) შემოსავალ-გასავლის ხარჯთაღრიცხვისა და ანგარიშის შედგენა;

ვ) შემოსული თანხების მიღება, შენახვა და ჭდახარჯვა დამტკიცებული ხარჯთაღრიცხვის ფარგლებში.

14. სხვადასხვაგვარი საკითხების შესამუშავებლად საბჭოსთან შეიძლება მოეწყოს კომისიები; ამ კომისიების მუშაობის წესი განისაზღვრება საბჭოს მიერ დამტკიცებული განსაკუთრებული დებულებებით.

15. საბჭოს ლიკვიდაცია მოხდება საბჭოს მიერ წევრთა $\frac{2}{3}$ ხმის უმეტესობით მიღებული და ა/კსდრ სახალხო კომისართა საბჭოს მიერ დამტკიცებული დადგენილებით.

გამოქვეყნებულია „ზარია ვოსტოკა“-ს 1283 №-ში 1925 წლის სექტემბრის 23-ს.

დადგენილება აკსფსრ შინა-ვაჭროვის სახალხო კომისარიატისა.

1926 წ. სექტემბრის 27.

720. საფეიქრო ნაკეთობის ცალობითი გაყიდვის დროს სათანადო ტრესტების პრეისკურანტებისათვის წანამატის დარიცხვის შესახებ.

ა/კფსრ ვაჭროვის სახალხო კომისარიატი ამით აუწყებს ყველა სახელმწიფო ვაჭროვის ორგანოს და კოოპერატიულ ორგანიზაციას, რომ ა/კ. ვაჭროვის სახალხო კომისარიატის ა/წ. იელისის 31-ს თარიღისა და 38—94 №-რის დადგენილების მე-4 მუხ. დაწესებული წანამატი საფეიქრო ნაკეთობის ცალობითი გაყიდვისათვის დაერიცხება სსრკ ვაჭროვის სახალხო კომისარიატის მიერ დამტკიცებულ სათანადო ტრესტების პრეის-კურანტებს.

ა/კ. შინა-ვაჭროვის სახალხო

კომისარი ერქომაიშვილი.

მოწესრიგების სამმართველოს

უფროსი ნოვიკოვი.

გამოქვეყნებულია „ზარია ვოსტოკა“-ს 1289 №-ში 1926 წლის სექტემბრის 30-ს.

დადგენილება აგიერკავკასიის ცენტრალური აღმასრულებელი კომიტეტისა და აკსფსრ სახალხო კომისარიატისა და აკსფსრ სახალხო კომისარიატის საბჭოსი.

721. ა/კ. ცენტრალური აღმასრულებელი კომიტეტისა და ა/კფსრ სახალხო კომისარიატის საბჭოს მიერ „მუშათა ფაკულტეტების უკანასკნელი კურსის მსმენელთათვის სამუშაო დღის შემცირების თაობაზე“ 1926 წლის იანვრის 18-ს თარიღით გამოცემული დადგენილების გავრცელების შესახებ მუშათა ფაკულტეტების იმ სტუდენტებზე, რომელნიც ყველა ამა თუ იმ დაწესებულებასა და საწარმოში მუშაობენ.

აგიერკავკასიის ცენტრალური აღმასრულებელი კომიტეტი და ა/კფსრ სახალხო კომისარიატის საბჭო ადგენენ:

გავრცელებულ იქნეს ა/კ. ცენტრალური აღმასრულებელი კომიტეტისა და ა/კფსრ სახალხო კომისარიატის საბჭოს 1926 წ. იანვრის 18-ს დადგენილება „მუ-

შათა ფაკულტეტების უკანასკნელი კურსის მსმენელთათვის სამუშაო დღის შემცირების შესახებ“ (კან. და განკ. კრებ. 1926 წ. 1-ლი №-რი, მუხ. 577) მუშათა ფაკულტეტების უკანასკნელი კურსის იმ სტუდენტებზე, რომელნიც ყველა ამა თუ იმ სახელმწიფო, საზოგადოებრივ და კოოპერატიულ საწარმოსა და დაწესებულებაში მუშაობენ ა/კსფსრ ტერიტორიაზე.

ამიერკავკასიის ცენტრალური

აღმასრულებელი კომიტეტის თავმჯდომარე **ს. ხანოიანი.**

ა/კსფსრ სახალხო კომისართა საბჭოს

თავმჯდომარის მოადგილე **ს. ლუკაშინი.**

ამიერკავკასიის ცენტრალური

აღმასრულებელი კომიტეტის მდივანი **ა. შავერდოვი.**

1926 წ. სექტემბრის 27. ტფილისი-სახახლე.

გამოქვეყნებულია „ზარია ვოსტოკა“-ს 1289 №-ში 1926 წლის სექტემბრის 30-ს.